



Sovâttâs já soovâd

Pispe Jukka Keskitalon pessijâštiervâttâs 2026

Taah pessijááh láá Oulu kaavpugist eromâsheh, tast ko Oulu servikodeh uárnejeh uáassin Euroop kulttuuruáivikaavpugive ohjelm *Via Crucis* – ruosâ kiäinu -kátučaaaitâlm Oulu torin. *Via Crucis* – ruosâ kiäinu – lii avalâš pessijâščaaaitâlm, mii čuávu Kristus killáamuš kiäinu. Koská-Euroop kaavpugijn tom láá čáittám jo koskääigi rääjist. Tot lii ohtâ maailm puoh enâmus čaittum draamain.

Via Crucis juurdân lii, et uásálistee puáhtá jieš uáinid já feerid killáamušoho tábáhtusâid já peessâd fáárun ulmui kooskân tuodâštid *Riistânnavlíi* -čuárvusijd. Tággáár fáruluvâi jotteem sáttá pyehtid maangâid tobdoid.

Golgata riistâst Immeel sovâttij cuovkkânâm ohtâvuodâ ulmuu já Immeel kooská. Immeel šoodâi Jeesusist maailmân, killái olmoošvuodâ pohčâsijd já kuodij olmooškode sudo, vâi mist ličij piáluštâs já máhđulâšvuotâ peessâd maassâd algâalgâlij elimân ohtâvuodâst Imeláin.

Sääni sovâttâs lohtâs sáánán soovâd. Kuábâš-uv täin saaniijn lohtâs sáánán sooppâd. Ristâlâš teologia lii aagij čoodâ kuorrâm tai saaniij koskâvuodâ. Maht sovâttâs tuálvuččij meid ulmui já aalmugij sovâdâtmân? Tom maailm já taat-uv äigi taarbâš.

Ko soodij njuovčâtuulah pyelih Aldanuortâst, Ukrainast já maangâst eres-uv uásist maailm, láá uccáá toh kiáh sárnuh soovâdmist. Mii láá kuittâg povdim huksid soovâd, juáhháá jieijâs saajeest. Soovâd huksim ij lah távjá älkkee. Mudoi maailmist iä ličij suáđih já stuorrâ riijdoh ulmui kooská. Ohtâ pessijâščaaaitâlm feerim mii puáhtá herkittid, sáttá lede tot ko jieš-uv čuázžu miel di tom juávhust kote čuárvu: *Riistânnavlíi*!

Lii älkkee uáinid sujâlâšvuodâ nube ulmust. Sirded kejâstuv jieijâs vááijuvvuodâst já feiliimist nube ulmuu oolâ. Ennuv vaigâdub lii keččâd rehálávt olssis já uáinid et lii jieš-uv fáárust olmooškode kuorost, kote suujât suijuáivi jieijâs pačarâsâst. Immeel ármu já ráhisvuotâ Jeesusist Kristusist lehâsteh mijjân toos kuittâg máhđulâšvuodâ. Immeel jieš killái mii paavuodâ tiet, mut sun killáá ton já soovâd mij jieijâinis.

Tuáivuttâm tunjin sivnedum pessijái juhle.

Jukka Keskitalo
Oulu pispekode pispe